


Fraschery, Ch. Samy bey, 1850-1904

قاموس العالم

Kāmus el-'alām

تاریخ و جغرافیا لغاتی و تصیر اصحله كافة اسماء خاصه فی جامعدر

(تاریخ متعلق : كافة اقوام واممہ انبیاء خلفاء صحابہ تابعین، رجال حدیث، ملوک، امراء، وزراء، حکام، حکماء، علماء، فقہاء، اولیاء، مشائخ، اذیاء شعراء، اطباء، مورخین، سیاحین، اصحاب هنر، اشخاص موعومۃ اساطیر والحاصل شرق وغربہ وازمنۃ قدیمہ و جدیدیہ عالمہ كافة مشاہیرک اسلامیز، ترجمۃ حاللری وآثار و تالیفاتک تعریفی، جغرافیایہ متعلق: کرمۃ ارضک منقسم بولندیفی قطعات و ممالک و دولاک، دیکیزلر، بوغازلر، آلهلر، طاعلز، نهرلر، کوزلر ایله اووه لریک، ریک اسکی کوزک یکی قصہ لره بیوجک قره لریک اسلامیز، موقعلری، طول و عرضلری احوال تاریخیہ و طبیعیہ لری، عالیلریک مقدارین، باشلییه محصولات و اخراجاتلری والحاصل تفصیلات ممکنہ فی شامل و حروف هجا مرصیله مرتبدر.)



محرری : ش. سامی صاحب وطابی : مهران

DICTIONNAIRE UNIVERSEL
D'HISTOIRE ET DE GÉOGRAPHIE

PAR

CH. SAMY-BEY FRASCHERY

EDITEUR MIHRAN

TOME CINQUIÈME

CONSTANTINOPLE

Imprimerie MIHRAN - Rue de la S. Porte N 7.

1896

بشنجی جلد

معارف نظارت جلیله سی طرفدن تقدیر و تحسین اولنه رق طبع اولمشدر.

استانبول

(مهران) مطبعه سی - باب عالی چاده سندہ نومرو ۷

۱۳۱۴

۵

قاله بعض قلاع وابنه سی و کار قدیم طرز و منظره سی
وارد.

غوسینه } (Goussinié) آرنآؤدلقده قره
طاع حدودی قرینه قوصوه
ولایتک اییک سجاغنده اییک ۳۰ کیلومتره غرب
جنوبسند، یا قووه تک ۱۸ کیلومتره غرب شمالیسند
واشقودره تک ۶۵ کیلومتره شرق شمالیسند و اقع
قضا سمرکی بر قصبه اولوب، ۴۰۰۰ اهالیسی،
ایکی جامع شریفی، ۵۰ قدر دکاندن عبارت چار-
شیمی وسنده بر کره تشرین اولده قوریلور بیوک
ینابری وارد. جنوب و غرب جهنده کی بوکسک
طاغردن این برجه دره لغوسینه تک قرینه برلشه.
رک، لیم نهری تشکیل ایدرلر. خاه لری سیرک و اخشاب
اولوب، باغچه لرله محاط اولدقندن، قصبه تک بیوک
کورینور. اهالیسندن یا لکزاللی خانه سی خاقی خرسقیان
وقصوری کاملاً آرنآؤر حدسینه منسوب مسلد.

— غوسینه قضای قوصوه ولایتک منهای
غرب شمالیسند و اقع اولوب، غرب جنوبی جهندن
اشقودره ولایتله، جنوب شرقی طرفندن مناستر
ولایتنه ملحق برزین سجاغنک یا قووه قضاسیله،
شرقاً نفس اییک سجاغیله، شمالاً برانه قضاسیله،
شمال غربی جهندن دخی قره طاع حدودیه محدوددر.
بو قضا همان هر طرفدن بر تقسیم میاه خطی تشکیل
ایدن بوکسک طاغرله آبرلش اولوب، بو طاغردن
این صولر (لیم) نهری تشکیل ایدرلر، که ابتدا
شرق شمالیه و بعد شمال غربیه طوغری آقهرق،
(دربنه) نهری واسطه سیله طونه دوکک اوزره،
قره طاغه و اورادن بوسنه کیرر. مذکور طاغرک
اتکاری کوزل سعالرله مستور اولوب، نهرک بجراسی
بو بجه سمت اولان طار و اوزون اووده و دره
و ابرلده قابل زراعت اراضیسی ده چوقدر. بناء علیه
قضانک ذخیره متعلق محسولاتی احتیاجات محلیه به
مع زیاده کافی اولدینی کی، خیلی حیواناتی دخی
وارد، و یا قوه طاغیلری دخی اکثریا سوربلرینی
بو قضانک سعالرنده بسرلر. بر خیلی مقدار پتاس
دخی زرع اولدور. صیفیر، قیون، دری، بوک،
باغ و پنیر اخراجاتی وارد. اورمانلری ده چوق او-
لوب، کراسته تک کوزل آغاچلری وار ایسه ده، بول
قداندن استفاده اولنه میور. قضانک غوسینه دن

بشقه پلاوه اسمیله بر قصبه سی وارد، که لیم نهری
اوکنده آیلوب، کنیشه بر کول تشکیل ایدر.
بو کوله خیلی بالیق چیقار. قضاء مذکور قصبه ایله
۹ قره دن سرب اولوب، ۱۵۰۰۰ قدر اهالیسی
وارد، که جمله سی مسلم و آرنآؤد و جسارت و شجاعتله
مشهوردرلر. قضا داغنده ۹ جامع شریف، ۲۲۱
دکان و معازه و ۸ مکتب وارد. بو قضانک برلین
قونفره سی طرفندن قره طاعه ترکنه قرار و برلش
ایسه ده، اهالیسنگ سمانت و مقاومتی اوزرنه، تسلیمی
ممکن اوله میوب، بوکا بدل اولسویک ترکنه قرار
و برلش؛ و اورانک ده ضبطنه قره طاغیلر مقتدر
اوله میوب، متوفی مشیر درویش پاشا سلاحه سارلش
اولان اهالیسی حرماً و جبراً قره طاغه تسلیم ایشدر.

غوشفینج } خوارزمده یعنی شمیدیکی خیوه
{ خانلنده جرجایه دن ۲۰
فرسحاق مسافده مهور و کوزل بر قصبه اولدینی،
و ۶۱۶ تاریخنده کندیمی بو حالده کوروب نانا لرک
دخولدن سکره نه حال کسب ایتدیکنی بیله مدبکنی
یا قوت جوی « معجم » نده بیان ایدور.

غوشو } (Ganchos) آسرقای جنوبیه
{ برازیلیا ایله اوروظای و آرجنتین
حکومتلرنک واسع اووه لرند ساکن و بورتکیز و یا
اسپانیول مهاجرله بری قاریلر ازدواجندن متولد
آدلرله و برلین اسمدر. بونلر او واسع بوکسک اونتی
اووه لرده نیم وحشی بر حالده صیفیر و آت بیتشد بر مکله
مشغول اولوب، تک توانا و ابری آدملردر.

غوطة دمشق } شامده دمشق شهرینک
{ شرقنده سمت اولان واسع
و اکثر طرفلردن طاغرله محاط نهایت دو حده منبت
و کوزل و میاه جاریه کثیره ایله اسقا اولنان اووه به
و برلین اسمدر. بو اووه الیوم باغ و باغچه لر دن عبارت
اولدینی کی، دمشق سمرک خلافت و بده کرسی
علم و مدنیت بولندینی و اهالیسنگ بر قاج بوز بیکه
بالغ اولدینی زمانلرده غوطة دمشق بر بوزنده
جستندن بر نمونه حکمنده ایدی. هر بلر یئنده بر
بوزنده کی جسنلرک درت اولدینی مشهور اولوب،
بونلرک برنجیسی اشبو غوطة دمشق، ایکنجیسی بخارا
ایله سمرقند آرمنده و زرافشان و ادیسندن عبارت اولان
صغد، اوچنجیسی بهره قرینه کی ایله (!) و دردننجیسی

فارسده کی شعب بوان ایدی. غوطه دمشق و قتیله معمور و بیوک قریه لری چوق اولوب، اورالردن بک چوق علما و ساژ مشاهیر اسلام بیتشمشدر.

غوغ } و ماغوغ ودها طوغریسی چوج و ما.
 حوج (Cog, Magog) } « یا جوج »
 و « ما جوج » ماده لرینه مراجعت بیوربله.

غوغول } روسیه تک اک مشهور
 محرد لرندن اولوب، روسلرک بعض مساوی اخلاق و عاداتی اصلاح نیتله تصور ایدر بر طاقم حکایه و تیار و کتابلری یازهرق اکتساب شهرت ایتش؛ و اصول اداره تکده بعض سؤاستما. لاتنی میدانه قوبدیفندن، بر مدت وطنی ترکله، رومابه چکلمکه مجبور اولمش؛ و وطننه عودتندن صکره ۱۸۴۷ ده بر نوع قره سودابه مبتلا اولوب، هنوز نشر اولمامش آتاریخی یاقش؛ و ۱۸۵۲ ده ظن اولندیقنه کوره، اتلاف نفس ایده رک، وفات ایتشدر. ۱۸۰۸ ده طوغمشیدی. تالیفاتنک اکثری آوروپا لسانلرینه ترجمه اولمشدر. روس ادبیاتنک مجددرلرندنر.

غولبورن } آوسترالیا تک
 و بقتوریه حکومتده بر نهردر، که (دیوبدیغ رانجه) سلسله جبالندن نیغانله، ابتدا شرق شمالیه و بعده غرب شمالیه طوغری آهه رق، ۴۲۰ کیلومتره تک طولاشیقلی بر جریاندن صکره، (مورای) ایرماغنه دو سکیلور. مجراسی ۱۷۰۰۰ مربع کیلومتره وسعتنده اولوب، منبت و کوزل ایشلش برلردن عبارتدر. — ینه آوسترالیا تک یکی جنوبی والس حکومتده دخی بو اسمله بر نهر واردر.

غولبورن } آوسترالیا تک
 یکی جنوبی والس حکومتده، (سیدی) ک ۲۰۵ کیلومتره جنوب غریبسنده وسید نیدن ملبورنه کیدن دمیر یول خطی اوزرنده و ۶۴۵ متره ارتفاعنده اوله رق کوزل و منبت بر وادیده واقع ایالت مرکزی بر قصبه اولوب، ۴۴۵۵ اهالیسی، کوزل منظره سی و ایشک تجارتی واردر. سبب تاسیسی اولان آلتون معدنلری متروکدر.

غولته } تونسک اسکله سی اولان
 حلق الوادی قصبه سنه فرنگار طر.

فندن و بریان اسمدر. [« حلق الوادی » ماده سنه مراجعت بیوربله.]

غولدبرغ } (Goldberg) بروسیه تک سیلریا
 (خطه سنده) (لینچ) سنجاغنده
 و لینچیک ۱۷ کیلومتره جنوب غریبسنده قضا مرکزی بر قصبه اولوب، ۶۴۷۵ اهالیسی و بیوک منسوجات و ایلیک قاریقه لرله بو یاخانه لری واردر.

غولدسمایت } (Goldsmith) انکاتره تک
 اک مشهور ادبسندن اولوب، ۱۷۲۸ تاریخنده ایرلانده ده طوغمش، و ۱۷۷۴ ده وفات ایتشدر. اپوخی طرفندن رهبالغه سوق او. لغش ایسه ده، بو مسلیکی ترکله، ادیبورغه کیدوب، فن طبیک تحصیلنه قویلمش؛ و بعده داینلرک تضیقندن بو شهری ترکله، بر چوق وقت مجرد فلارنه چاله رق قزانه ییلدیکی آنچه ایله فلنک، فرانسه، آلمانیه و اسویجمره ده سیاحت ایدوب، ۱۷۵۸ ده انکاتره به عودته، نشر آثاره باشلایه رق، بیوک بر شهرت و خیلی ثروت قزانش ایسه ده، مسرفه کندن خبر کوره میوب نهایت بر حزن و مسراقه مبتلا اولوب، کسج یاشنده وفات ایتشدر. آتاری بر چوق حکایه کتابلرله انکاتره و روما و یونان تاریخلرینه دائر تالیفات مقبوله دن عبارتدر.

غولدقوست } (Gold-Coast) یعنی « آلتون ساحل »
 [« آلتون ساحل »]
 ماده سنه مراجعت بیوربله.

غولغوته } یاخود جلته (Golgotha) قدس
 شریف تک غرب جهتنده و قتیله
 مجرملرک اعدامنه مخصوص بولمش بر تپه اولوب، حضرت عیسی (عم) ک دخی اوراده خاچه کرلمش اولدیغی خر-تیا لیرک جلته معتقداننددر.

غولف استریم } (Gulf-Stream) بحر
 محیط آطلانتیک بیوک
 بر آقندیسیدر، که مکسیقه کورفزدن خروجه آمریکای شمالینک سواحل شرقیه سی بونجه شمال شرقیه طوغری جیقه رق، (نزو) جزیره سی حذا. سنه واصل اولنجه، شرقه یعنی آوروپا به طوغری دوز، و ایکی قنوله آبریلوب، بری انکاتره و نوروج سواحلبله ایسلانده جزیره سی آره سنده قطب شمالیه طوغری جیقه رق؛ و دیگر قنوه قاسقونیه کورفزیه